

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa Programom utroška sredstava planiranih u Budžetu Zeničko-dobojskog kantona za 2021. godinu na poziciji „Kapitalni transferi drugim nivoima vlasti – za zdravstvo“, broj: 02-11-9365/21 od 01.07.2021. godine, na prijedlog Ministarstva zdravstva, Vlada Zeničko-dobojskog kantona, na 113. sjednici, održanoj dana 13.07.2021. godine, d o n o s i

ODLUKU

o odobravanju sredstava za sufinansiranje Projekta „Investicije i mjere energetske efikasnosti u poslovnu zgradu JU Zavod za medicinu rada i sportsku medicinu Zeničko-dobojskog kantona“

Član 1.

(Predmet)

(1) Odobravaju se sredstva JU Zavod za medicinu rada i sportsku medicinu Zeničko-dobojskog kantona iznosu od 62.358,54 KM (slovima: šezdesetdvijehiljadetrinestpedesetosam i 54/100 konvertibilnih maraka) za sufinansiranje Projekta „Investicije i mjere energetske efikasnosti u poslovnu zgradu JU Zavod za medicinu rada i sportsku medicinu Zeničko-dobojskog kantona“.

(2) Ukupna vrijednost Projekta „Investicije i mjere energetske efikasnosti u poslovnu zgradu JU Zavod za medicinu rada i sportsku medicinu Zeničko-dobojskog kantona“ iznosi 155.894,54 KM, od čega će se dio finansirati sredstvima koja su odobrena od Fonda za zaštitu okoliša Federacije Bosne i Hercegovine u iznosu 93.536,00 KM kao finansijska pomoć za realizaciju Projekta.

Član 2.

(Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2021. godinu („Službene novine Zeničko-dobojskog kantona”, broj: 7/21) sa razdjela 21- Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti- za zdravstvo”.

(2) Sredstva odobrena Odlukom će se transferisati na račun JU Zavod za medicinu rada i sportsku medicinu Zeničko-dobojskog kantona broj: 1340100000000896 otvoren kod ASA banke u skladu sa dinamikom realizacije Projekta, a na osnovu dokumentacije o troškovima Projekta, koji se ne finansiraju sredstvima Fonda za zaštitu okoliša Federacije Bosne i Hercegovine.

Član 3.

(Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija Zeničko-dobojskog kantona i JU Zavod za medicinu rada i sportsku medicinu Zeničko-dobojskog kantona, svako u okviru svoje nadležnosti.

Član 4.

(Izveštavanje)

JU Zavod za medicinu rada i sportsku medicinu Zeničko-dobojskog kantona je dužna izvjestiti Ministarstvo zdravstva o namjenskom utrošku sredstava, dostavljanjem dokaza o uplati sredstava dobavljaču.

Član 5.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Mirnes Bašić

Broj: 02-11-9985/21

Datum, 13.07.2021. godine
Zenica

DOSTAVLJENO:

1x Ministarstvo zdravstva,
1x Ministarstvo finansija,
1x JU Zavod za medicinu rada i sportsku medicinu
 Zeničko-dobojskog kantona, putem Ministarstva,
1x „Službene novine Zeničko-dobojskog kantona“,
1x a/a.